

向湖邨舍詩初集

向湖邨舍詩初集卷七

劍川 趙藩 樾邨

庚辰

初二日早發安順

歲朝尙行邁輕裝晨出城不聞爆竹喧一洗浴耳清宵  
來過微雨薄靄羣峯橫殘夢似可續王道如砥平前邨  
曉曉雞幾縷炊煙生

閉門邨巷靜十室而一做札闔蛇蚓紆旁行復斜上乞  
火吸巴菰入門歡少長肅客奉茗甌堂中佛鐙朗呼兒

出羅拜伏地亂頭搶笑謝更升輿枌榆動遐想  
晚晴風稍和便覺暮寒薄投林飛鳥歸落日帶邨郭疲  
牛亦偶暇磨癢樹根樂老翁田閒來荷鋤雙草屨本無  
窮達心安知甘寂寞明年賣長劍脫身事耕穫

懷人四絕句

曠我漫呼鄉大尹逢人自喚舊劉郎簪花騎象神仙尉  
絕倒風流記永昌

蔭芸齋大令

替寫驅波一卷詞珍珠細字界烏絲不知低按紅牙板  
可有閒情似昔時

黃叔儀大令

大好江山桂林郡昔人著錄比驂鸞哦松射鴨聊遊戲

知爾原爲寫意官

陳芝生少尉

十年歸妹屢愆期豈是眉痕不入時天許閒消林下福

妻能寫韻婢知詩

宋退山廣文

亦資孔接荔莊詩札追和四絕

增識來札云黃慶臨頓首前賜書以

入閣分校未遑作答別來手版隨班都無善狀  
自舍弟奉老母至連牀侍膳稍慰私衷頗苦債  
累日增山資無措茫茫宦海登岸何時吾弟大  
才槃槃位非其所此番北上花甄蓮炬原在意  
中早日計借或能於筑垣爲平原十日之歡遲  
則恐或奉檄出省交臂失之矣瀛眷接到昆華  
否堂上定多鼻福聞弟夫人雅善墨竹繼美驅  
波摩挲老眼乞寄數竿一掃塵俗未知其許山

妻孥婢共挹林下風裁否也奉懷二詩並以速  
駕餘容暢敘不宣四海人詢太瘦生新詩到處  
寫郵亭誰知朵殿簪毫手尙擁寒氊一片青三  
策江都不世才天門跌蕩喜常開老妻滿釀迎  
年酒待爾搏風萬里來九月十八日慶臨頓首  
函交河西張某兩月始達開緘涕零不忍卒讀  
過頭橋送別處酒壚回首渺若山河益復不可  
爲懷補和四章並原札錄之濡翰展卷不知涕  
之何從也

平原十日書催我那識飛鴻阻驛亭山店黃昏揮淚讀  
淒風寒閃一燈青

肝腸如雪最憐才每見狂生笑口開白馬素車申一勸  
可能留待巨卿來

前年記其蕭思話

文波司馬

送我溪山一曲亭死別生離條

彈指亭前依舊柳青青

寒閨豈有仲姬才不得涪翁老眼開  
握管他時呼翠袖  
圖成焚向墓門來

拜荔莊櫬感賦

消息祇愁真來看總帳陳吾忙  
萬里路君隔九原春呼  
叔遺孤小繙書賸墨新脫驂  
慚力薄高誼屬何人

孺慕縈將母改官辭帝京  
歡生毛義檄夢噩夜郎城  
旅櫬歸無力高堂痛失明  
相知託兄弟對此若爲情

正清屯台言卷集  
二二  
人日三十初度感懷

恩恩三十是行年起舞難追祖逖鞭見說功名亦塵土  
不知忠孝幾神仙 主恩柔遠容馳驛臣里憂生屢賣  
田坐對梅花斟歲酒題詩遙憶草堂前

失母銜哀二十春致君猶是腐儒身波濤盡徒鯨鯢族  
閭闔難呼蟻蝨臣向日有心伸寸草參天無恙祝靈椿  
摩挲腰下看弧矢願射潮頭到海濱

閒愁

無數閒愁遣卻來推蓬鎮日坐銜杯一江春水燕雙去

幾處桃花門半開  
名姓漫勞津吏問  
行藏應被故人猜  
等閒易皺觀河面  
莫倚乘風破浪才

春陰

檢點征衫換恰難  
江天漠漠閣輕寒  
樓臺金碧春陰裏  
枕上千山只臥看

芳草和煙畫一隄  
東風吹長綠高低  
浣紗人過前汀去  
苦竹林中嘯竹雞

洞庭舟夜夢人貽白蓮花

菡萏搔頭琢白玉  
天與湘妃助膏沐  
扁舟夜泊洞庭湖



仙之人兮持贈予澄波萬頃浸明月素質亭亭豔冰雪  
漢皋佩解長相思羅襪塵生共愁絕江淹彩筆邱遲錦  
鈍根忘卻前身影天風忽送滿湖香卅六鴛鴦吹夢醒  
鸚武洲弔禰正平

芳洲弔鸚武言語其爲災彩筆干將折江聲羯鼓來奸  
雄失驕燄亂世忌奇才巢覆悲完卵甯惟一鷓哀

登黃鶴樓

高樓初縱目江漢古朝宗詞客三杯酒仙人一笛風汀  
洲又芳草身世幾飄蓬閣筆懷鄉國凭闌落照中

樓上八窗開樓前海舶來滄桑驚浩劫鎖鑰倚雄才駭  
浪孤帆沒重城畫角哀何人八州督覽古一低回

上火輪船

風輪火柱劇離奇萬斛艤艫十丈旗倦客夢酣牀上下  
譯人箋換字華夷由來巧盡終歸拙莫以安時便忘危  
直北關山獨翹首驚濤隱隱似征鼙

上海

勳名魏絳錄和戎漫說扶桑已挂弓戰壘雨荒春草碧  
酒樓風埽落花紅何曾玉帛圖王會遮莫淫奇鬪鬼工

蛾燄蜨丸胡蝶粉蠕蠕飛走可憐蟲

海市樓臺燈上下梨園絲竹淚闌干  
小家碧玉妝梳豔大長蠻夷控馭難  
啁嘶鳥嘯花冢亂拍浮人戀酒池寬  
誰知醉夢曹騰裏有客凌風一劍寒

航海達天津

吳楚蒼茫瞥眼過海天高浪白峩峩  
南來有客腰長劍東去何人挽逝波  
一枕喧闐惱鵝鴨三山滅沒喜蛟龍  
蓬萊城闕津沽近辛苦將軍夜枕戈

重入都門

蔥鬱氣佳哉西山滿眼來喧聲屠狗市野色晾鷹臺重  
續三春夢誰當萬里才朝陽麗宮闕翹首五雲開

春暮病中

鐙影幢幢掩幔羅擁衾枯坐病維摩一鐙和藥參苓苦  
三月落花風雨多金馬文章古如此玉關消息近云何  
春愁況在闌干角隔院微聞子夜歌

秋思時將去都門

別來南紀尺書稀病起東陽損帶圍孤館涼風悽悉蟹  
故園秋夢感蚍蜉威何曾古劍龍騰出依舊輕舟鷁退飛

聞道玉關新置戍壯心還擬賦無衣

書懷

負手行吟合眼猜天公生物亦奇哉  
薺甘荼苦味無味  
櫟壽松摧材不材  
快意事真如夢過  
多情人總帶愁來  
觀空忽悟安心處  
虛白寥寥絕點埃

金山

中流何巖業日夜齧濤痕  
百怪扶天柱孤根鎮海門  
魚龍爭拜舞風雨變朝昏  
莫望江南北登高斷客魂

江夜

一聲孤雁語冷月暮江空  
擘鏡悲華髮維船惜好風  
可憐吾道拙合守故園窮  
獨立看流水愁懷日夜東

舟中望小孤山

面面空依傍中流秀一卷  
伊人秋水隔絕代澹妝妍  
孤立能無友凌虛或駐仙  
風帆翻苦疾載酒負層巔

夜雨

江黑雨冥冥江邨夜柝停  
維船同古渡乞火失前汀  
薄酒隨清濁愁懷易醉醒  
不成敲枕臥鄉夢怯零星

辰沅舟中雜感六首

江河浩浩日東下激石風雷迴萬馬百年富貴驚逝波  
猶有輕身踏波者濼溪之水清且寒怪石嶮岨相遮闌  
孤舟百丈牽水上欲前復卻愁危灘長年力憊客心碎  
咄哉行路何其難五溪瘴毒鴛鴦飛墮伏波古廟牆垣破  
將軍一至傷垂堂嗟我今經四番過

年年冬日寒威隆今年冬日春融融野草猶青木未脫  
狐裘在笥空蒙茸我聞 聖人調玉燭四序平分判寒  
燠雨露恩舒冰雪慘摯斂嚴凝資茂育不爾愆伏生災  
殃二麥便恐明年傷中原轉輸艱蓋藏廟堂何人理陰

陽

謝九

山秀

吳三

其列

吾舊識一奮青雲一垂

二

鄉駟馬頗

軒昂奉母扁舟亦愉懌穿雲擘勝劍門高箸書懷古長  
沙溼吾儕顯晦聽時命但悲地遠音書闕孤生悔吝恒  
沙多安得合并時譏訶大笑還傾金叵羅

涪翁往歲同歸舸平生鮑子真知我一州方迓長官來  
十日竟占新鬼大老母目眚妻孥饑殞宮塵黯何時歸  
江鳴月黑鐙燼爇髣髴入夢顏慘悽人生俯仰成今昔  
起與劉郎坐歎息彰瘡歿慶云有天我欲問天天不言



吾家癡叔何曾癡鳳鸞文彩罷虎姿力排豪猾敬桑梓  
煦嫗寒峻如嬰兒鐵肩擔事鏡燭理紛紛鼠目吁可欺  
連城不獻甯非寶蓬蒿便恐朱顏老

金沙江水金華山先人有屋山水間劍湖一曲饒魴鯉  
椿樹參雲棣華美彩鸞寫韻庭軒幽問字或有侯芭儔  
丈夫意氣羞家食匹馬長安還射策一瓊入手何清寒  
彈指華年已三十枉拋心力事雕蟲豈有文詞壽金石  
筆研從今焚亦得

上灘二首

嚴冬漲斗落湍瀨紛縱橫低僅限門閭高或垂甌瓴前  
波倏奔退後浪爭趨迎飛花濺冰雪疾鼓轟雷霆艱哉  
上灘舟步步升天行齒牙虎豹怒涎沫蛟龍腥掀簸隨  
隆窪左右忙撐撐孤繩纜眾命一斷吾何憑世途同一  
危破碎心膽驚

男兒可憐蟲謀生各有道嗟爾負怒人敢詫身手好短  
衣蔽腰腹懸崖句趾爪曉緣蟹爬沙夕臥牛藉橐竭蹶  
營饗餒少許奉翁媪嚴凝雪霏霏炎威日杲杲百年幾  
筋力一世雜傭保吾儕曳華裾頗恚名位小無功偷太

倉豈異鼠雀飽相彼食力徒中心怒如擣

雪後劉謙山孝廉

有光

羅寶樹明經

森

趙潛溪孝

廉

運煌

各示近作卽事奉訓二首

孤衾如鐵斷歸夢日上疏林聞遠鐘顛風半夜嘯飢虎  
積雪一峯騰白龍沽酒不知何處好尋梅又負今年冬  
憂來思鄉共西望灘水百重山萬重

江東駿邁文房穩好古吾宗爭激昂各踞騷壇辟茅土  
平分酒國鬪壺觴今我不樂歲云暮來日大難天各方  
要寫新篇付兒輩他年吟諷念清狂

謙山示觀詩稿書後三首

詩歌有正聲元氣通呼吸性情達諷諭風騷樹準的能  
者代絕續不肯亦不襲積理養浩氣忠孝發歌泣李杜  
韓蘇黃牛耳同一執叔季稍陵夷組績事剽賊箏琶競  
繁響桃李亂真色把舵狂瀾中君子貴自立

滇詩滌明代張含楊一清拓始基國朝盛鼓吹荔扉特

瑰奇師先生範同時元城翁君伯祖寄菴先生各建大將旂循吏投

幼返都講昆水湄志業重彝鼎餘事工屬辭漢魏合三

唐粹然無瑕疵雖雖承學子提唱實先之君今述祖德

授受由庭闈

尊甫仲鴻丈有紅樹山莊詩草

諒哉子輿言歸求有餘師

君詩如其人落筆秀而雅  
鐙窗示我讀一卷手自寫  
清音激泉石嵐翠滌土苴  
我學祇膚末見聞況已寡  
他山辱攻錯意氣抑然下  
茅茨蔽風雨何資構廣厦  
感君虛受懷願君鎔大冶  
蘭茗戲翡翠闔闔行天馬  
崑崙探何源萬里一東瀉

感寓

聽風聽水欲何之塵海迴看到岸遲  
百事輸人綦有悔  
半生磨我墨無知空傳換骨飛龍引  
莫唱傷心猛虎詞

可用更攜紅豆子蓬山無地種相思

舟中連日與謙山寶樹潛溪澆愁譚藝再疊前韻

二首

浮雲枕上十年事寒夜江頭一杵鐘管子能言除害馬  
葉公原不好真龍青山黃閣徒爭命濁酒酸齋亦禦冬  
大笑書生都結習吟箋堆案亂重重

杜陵吟苦髯蘇快千古論詩首一昂白帝雲寒看舞劍  
黃樓月午對飛觴曹吳畫佛皆生面和緩醫人不白方  
解道栖栖悲憫意故應惟有接輿狂

讀潛溪乞人行書後二首

少陵厦千間白傅裘萬丈古人胞與懷觸物歌慨慷吾  
子哀乞人語酸情亦愴博濟堯舜病王政有教養有司  
失其職安怪此輩廣爲治豈空言斯民或我長設施夫  
何如易地一遐想

廉恥一已喪習俗日漸偷疲癯固可矜豈無耽情遊筋  
力坐自棄甘受嘔蹠羞頽風暗濡染巧中冠蓋儔白日  
炫戚里昏暮干王侯利達亦有方昵就齊人謀餓死猶  
蒙袂咄哉一黔婁

溪居

水抱山迴綠白沙兩三間屋枕溪斜危巖橫出松根虎  
細路高盤竹杪蛇雨笠偶逢人采藥風爐能借客烹茶  
老翁爲話耕桑事八十行年只在家

雪中雜興四首

微雨釀成雪暮猿嘯更哀魚梁喧夜火江上有舟來  
買酒呼童子前邨到卽歸鄰舟問漁父借與舊蓑衣  
破寺裊孤煙垂藤萬仞懸山僧能早起托鉢接飛泉  
石罅深儲雪松鑪細品茶年年故山夢惆悵別梅花



羊坪晚泊

偶然舟泊早緣岸，有幽行片石研材古。

是日所得者爲謙山寶樹潛溪

三君子所嘉賞尋賦以詩

孤帘邨店明沙痕，隨屐齒暝色定鐘聲歸。

坐還烹茗推篷山月生。

書懷

落日蕩驚颺吹空，木葉凋山寒晴有雪。江靜夜生潮，失意雙蓬鬢。悲歌一酒瓢，應憐吳市卒。溷迹老漁樵。

贈潛溪

離合莽含情，相期志業成。萬金同墨惜，百鍊以剛名。粟

菽關經濟墳簾託弟兄悲歌休斫劍神聽只和平

登樓

病起高樓獨凭闌飛鴉落日滿林端故人視我貧猶劇  
冷屋如山坐亦安夢斷風雲通徑路老耽文字有波瀾  
呼鷹射虎平生事無那年來百不堪

鎮遠再書袁氏樓

六載往來頻溪山眼不新灘行輕百險水宿越三旬風  
勁葉辭樹沙寒驅傷人朝來尋故驛怕埽壁間塵

後遊仙詩四首

曼衍魚龍滿碧霄仙官傳詔賜蟠桃蜃樓只在瑤池角  
不信天魔道力高

阿母毵毵鬢雪痕離宮來少閉朝昏靈燧卻愛黃金貴  
十萬人天許破門

香案前頭掃落花黃門昨日聽宣麻秋來似怕瓊樓冷  
尙到天台玉女家

何曾縹渺見三山海上扁舟屢往還青鳥飛迴應寄語  
靈峯原自在人間

書事四首

戈壁沙能走陰山草不春西戎雄別部北極界強鄰  
雪湧長鯨浪風馳萬馬塵獨深先事慮真念老成人

微爾四君子誰當曳落河廟堂宏納誨草野罷悲歌  
元舅無將黜奇男作健多從來馭驕虜不戰漫言和

幕府推吳玠中樞召李綱人心真可恃兵氣已先揚  
突騎金銜勒前行錢襴襜徑須煩尺組面縛左賢王

直擬奉心肝書生報國難煙塵十年夢風雪一氊寒  
下馬中軍檄非熊大將壇無因飛食肉搔首涕汎瀾

同湖郵舍詩初集卷七

漫興

一樹春風各早遲  
北枝低首避南枝  
美人偶誤丹青筆  
達宦都牽傀儡絲  
小隱溪山容有地  
大名鐘鼎定何時  
茫茫塵海波濤惡  
振舵中流自主持

擬輿歌二首

秋豪細析飽胥徒  
行旅蒼黃氣未蘇  
守土功誰爭尺寸  
當關職總較錙銖  
何勞大力鷗鷖爵  
竟許餘威虎假狐  
長是蘆溝乘曉月  
至尊優詔免追呼

早聽輿歌狄水哀  
重扃眞見虎牢開  
六張五角紛乖迕

萬水千山獨往來，摸索豈知何沈手。誅求焉用孔桑才，牛腰大軸饒書卷。令尹何須作色猜。

病中遣興二首

不成歸臥浣溪頭，復作皋橋賃廡留。煮茗簾櫳常誤雨，養花天氣只如秋。鎮緣無寐拋孤枕，偶爲餘寒戀敝裘。塵海扁舟艱泊岸，靜觀真覺此生浮。

半卷疏簾坐晚晴，小庭花藥亦多情。四愁難遣張平子，百病工磨馬長卿。勝地壺觴隨爛漫，少年文字悔縱橫。鑪香經卷相料理，閉戶從今學懺名。

上己日同叔儀潤泉步至九龍池酒樓小酌卽事

成此

青鞵布襪市塵刪得得幽行一展顏春水倒涵湖上樹  
斜陽濃暈雨中山難尋觴詠前番樂偶占樓臺半口閒  
滿地楊花亂飛雪明朝笛裏怨陽關

時將之  
易門

讀邸抄書感二首

居延城外又尊盟謀國皤皤盡老臣後日恐無臺避債  
古來甯有幣銷兵陰符鏡下空三絕寶劍牀頭偶一鳴  
想勒燕然千丈石閉門閒殺棄繻生



來庭西賚復南琛 十廟垂衣德澤深  
已喜潢池平楮寇 尙勞甌脫輦黃金  
杞人漫灑憂天淚 志士同堅蹈海心  
會見 威靈張撻伐 呼韓頡利總成禽

默默

雪後梅魂凍不蘇 溪中雲影蕩來無  
驂鸞贖畫新紈扇 騎馬重過舊酒壚  
鉛走沙飛仙亦病 坐愁行歎子眞愚  
沈煙消歇霜鐘定 默默空齋據槁梧

春暮病起自昆明之易門作

伏枕春寒百五過 出城剛及曉風和  
幾人能不爲官廩

如我真成以病磨小隊輕裝行款緩高冠長劍悔蹉跎  
碧堯山俯昆池水輸與煙波一釣蓑

安甯道中

疏疏籬落界邨莊淊淊溪流出野塘楊柳雨晴煙踈地  
茶靡風起雪吹香人家上冢猶寒食客路成詩半夕陽  
知是年豐田父樂瓦盆漉酒取相嘗

易門大令成梅叔

占春

招同僚友遊小龍泉賦呈

二首

東風吹出郭細路轉前峯浩劫三椽屋清齋一杵鐘疏

林稀見鹿勺水小潛龍芳罨看如畫祈年慰老農

行厨攜竹裏小坐藉落階爲政使君暇看山招客借簿

書祛俗累魚鳥愜幽懷秀句容傳搨煙煤手自揩

大令有詩

碣

廣文劉芝圃丈

有培

招同梅叔大令遊大龍泉得

詩五首

說山齒頰甘遊山腰腳健三年萍梗蹤夙約喜克踐

己卯

春擬游未果

清晨理芒屨出郭繞西澗徑紆境益幽百轉力

忘倦蔥蘢雲木陰蚴蟻藤蘿蔓霜葉脫滿地碎踏琅玕

片谿迴樓閣開高下兀當面快哉擘挹心百聞欣一見  
禪關未遑啟疾走探龍宮危巖豁一洞鍾乳垂玲瓏石  
剛泉則柔破峽鳴淙淙誰揮巨靈斧亙古開鴻濛靈犀  
偶遊戲深入源難窮下灌萬頃田比戶歌綏豐神物有  
利濟大造無全功豪俊間世出樹立將無同試汲一瓢  
飲蕩我雲海胸久立衣裳單肅肅迴陰風

洞左關巖扃頽闌斷復綴攝衣勇先登同行駭殊絕蝟  
承叟偃僂猱升客超軼曲訝穿蟻珠險視探虎穴九幽  
須燭照一縫忽曦徹噌吰鳴鼓鐘戛石徐中節驚起白

蝙蝠決背飛一瞥上出丹梯高苑通玉樓凸不信人工  
奇祇疑蜃氣結閭浮多狡獪諸佛無言說空際著蒲團  
真幻悟禪悅

罡風天半來吹我下仙掌臨溪一亭孤方廣不盈丈四  
面俯寒漪深杯寄吟賞宛浮六柱船坐契江湖想興酣  
一長嘯欲挾萬松響今我胡不樂昔人嗟已往當年楊  
新都謫居極幽訪難覓三遊詩剝落青箔上

我未龍泉遊先讀龍泉詩使君玉堂仙來作賢有司文  
讌集賓從林壑生華滋政簡乃多暇養教儲先資所以

蚩蚩氓飲水源同思劉丈佐文治風雅推經師驪珠雨  
君探鱗爪徒費詞把臂招入林不恨吾來遲所愁嘉會  
艱行役車驅之悵惘出溪路燕尾流澌澌

發易門宿楊興莊

犖确行初盡孤邨一徑斜水平秧怒長山近樹濃遮穀  
雨過三月松煙合幾家解裝休我僕晚飯未棲鴉

草家書後

應官無舍去無從襍被依然廡下傭雨後香生三徑草  
月來涼浸一庭松虛窗對影周旋我隔院聞歌懊惱儂

欲與同心談契闊青山相憶萬芙蓉

靈光無匹怨懸匏苦行難完笑打包自縛信如蠶作繭  
雙棲空羨燕營巢誰言黻佩清時共只惜湖山好夢拋  
何日歸偕灌園耦黃昏窗戶掩蠨蛸

昆明城北蓮花池是吳逆野園故址夏日賈克齋

治安  
招同人小集偶成六絕句

漫趁嘉招偶出城野園零落尙知名青衣扶織城邊路  
梅雨瀟瀟有送迎

商山嵐翠接虹山消夏中藏地一灣付與漁樵領風月

簿書衙鼓幾人閒

蓮花池水蓮花寺不見蓮花何處開  
香徑春風走麋鹿  
那須惆悵說蘇臺

鷺立蘆碕鳴唼蘋  
邨姑時浣布裙新  
誰知一鏡頗黎影  
照過驚鴻畫裏人

斷碣叢殘繡土花  
蕤香難問錦笺毫  
游人日暮攜壺去  
一樹棠梨噪晚鴉

向湖邨舍歸難得  
但見煙波夢亦涼  
我欲千錢租艇子  
頭銜來喚打魚郎



夏日卽事

殘紅春落盡滿院綠陰陰孤客一尊酒重簾雙鳥吟推  
碁書養目移竹雨關心頗有扁舟興湖波問淺深

故鄉知好辱問旅況草此荅之

喜心那便敵愁懷如夢如雲鬱不開午枕茶香人病起  
夜鐙花豔婦書來頗難偃仰留賓榻鎮苦經營避債臺  
一樣沖霄毛羽弱庭隅有鶴啄莓苔

長安臥病幾垂危痛定還餘痛劇思怕聽嘒鶻歐出血  
敢矜文豹死留皮升高難似山乘樁退步寬於地卓錫

孤負朋遊詢近狀安眠飽飯百無爲

六月二十二日同人泛舟近華浦得詩二首

畫舫蘭橈載酒行炎威洗滌雨初晴江山勝處遊難足  
絲竹中年感易生遠水無邊孤鷺起斜陽欲下斷虹明  
蒹葭楊柳風蕭瑟搗碎秋懷是此聲

拍徧紅牙醉不辭歸帆天際且遲遲遺民六詔蟲沙劫  
傲吏三搗爨弄詞臨水芙蓉誰信美貽溱芍藥恐成癡  
清才畢竟輸黃九先展雲藍草竹枝

黃叔儀大令先  
成絕句十首

七夕

客散空庭酒罷斟豆花籬落草蟲吟故山千里夢來去  
涼月一痕秋淺深是處闌干閒倚笛誰家鐙火笑穿鍼  
明河欲沒何曾渡脈脈紅牆共此心

招潛溪飲以疽發於項貽詩辭我作此訓之二首  
呻吟語妙謔而莊息偃如聞病在牀噴飯我慚胸有竹  
讀書君誤肘生楊藎頭隨地宜充隱強項何人不中傷  
莫以形骸累靈府仙方一服贈清涼

我亦沈疴弱不勝亂書堆裏臥曹騰眞知積毀能銷骨  
那得良醫果折肱汗血儻求西極馬風雲應老北溟鵬

禪堂許乞蒲團地來與維摩共夜燈

潛溪時寓  
玉龍寺

惆悵詞四首

行來真訝捉迷藏宛轉房櫳隔畫堂豈有雙銜紅綬帶  
似曾先贈紫羅囊博山心字三分冷海水愁聲五點長  
百絕梅花一燈雪輸他辛苦乞雲郎

酒醒空齋夜氣涼流雲來去月昏黃風詩錯詠邱中李  
樂府空歌陌上桑繡我買絲原恍惚爲卿籌筆費商量  
桃笙磁枕都岑寂孤負湘東七寶牀

人面微分酒暈紅荷亭花氣襲南風琵琶火鳳么弦急

屈戍銅魚祕鑰通荀令再來香不散周郎一顧曲尤工  
賞音何意殊今昔唱到無愁亦媼公

一喝憑誰貫耳聾自揮瓊斧碎虛空常娥縱使能奔月  
列子何妨不御風楊柳春非如意綠海棠秋是斷腸紅  
滋蘭樹蕙談何易一任荒原逐轉蓬

飲酒四首時將去昆明

虛名苦與謗相從磨蝸真疑注命宮人笑唐衢偏善哭  
我吹韓愈不畱窮河山莽莽橫胸次人物紛紛鎮眼中  
十二萬年彈指頃醉鄉端欲訪無功

六階干羽望夔皋七子文章盛孔曹未信顰中眉可畫  
幾曾蚌處爪能搔絕交我喜錢神傲乘劫天容瘦鬼豪  
從者段萬選  
病瘦不起且莫當杯雙袖手右簪黃菊左持螯

伯通庶尙賃梁鴻魏相狂猶恕次公燕石有光皆異寶  
莫邪無用亦頑銅橫陳嚼蠟風懷淺射影含沙世路窮  
大笑出門看海市樓臺天際亂青紅

輕裝檢點舊琴書尊酒離亭話別初繞樹驚烏情惘惘  
辭巢歸燕影疏疏豆非游釜何須泣蘭以當門敢怨鋤  
援鳥無猜林壑美白雲深處愛吾廬

次韻奉訓叔儀贈別二首

半年風雨話連牀，秋燕心情戀畫梁。  
憐我典衣猶買醉，感君書券爲治裝。  
湖樓夢繞煙波白，驛路魂銷木葉黃。  
歸向高堂介眉壽，仙人新贈五明囊。

浮世榮名泡幻如，乘時道拙合窮居。  
揚州畢竟誰騎鶴，大澤何妨獨釣魚。  
遺直又亾唐一鑑，離騷應續楚三閩。  
平生師友關心劇，丁屬閒時數寄書。

時聞何鐵生太守廣陵赴音

昆明自入秋以來疫癘大作，死者日數十計，禳禱

未已，惻然感作二首。

日作炎威雨作涼  
熏蒸暑溼戰陰陽  
長眠人盡膏肓疾  
小試醫窮表裏方  
幾處荒鴟嗚老屋  
有時腐鼠出空堂  
經旬不到城頭望  
新冢纍纍滿北邙

曼衍魚龍滿六街  
秋燈影裏哭聲哀  
迎儻鎮見投竿舞  
點鬼依然挾簿來  
六計拊循思課最  
五兵殘殺例遺災  
天心自是慈祥極  
和氣憑誰感召回

同人重修明王禕吳雲二忠墓酌醴告成紀事二  
首

學士眞蕤憤血丹  
尙書儻亦葬衣冠  
疑團幸破摸金尉



厲禁應嚴守土官片石大書雙節重一抔永保百年完  
漆鐙青照靈旗閃地下人間合共歡

桂酒椒漿潔几筵薰風一曲譜神弭孤忠不損東陵劫

盛舉多勞北海賢

李西農別駕倡修復勤於將事

我輩胸中原有事古

人身後莫非天解囊更乞劉清惠香火還資二頃田

墓前

黍地一區擬購作祭田告之嗇使鍾厚堂師許捐廉以贄其成

### 行期屢易書柬友人

西風何苦約浮萍浪迹無端去又停月舫彈箏聲掩抑  
雨窗敲枕夢零星離懷也怯攀楊柳生計難忘斲茯苓

出處都乖情緒惡林泉簪紱一勞形

哭劉退翁觀察丈

家遠

四首

聞示維摩疾經旬少寄聲酒邊送公子

令子謙山孝廉同寓離廨聞疾

馳歸六日而赴來

書到哭先生雲黯潭西墅風搖研北檠低徊

知己賦欲續苦難成

落落雪松姿黎陽禦侮時黃巾紛退舍紅樹細哦詩愛  
客孔文舉談兵杜牧之風流都歇絕差幸有佳兒

入蜀貲終乏游黔志未伸大才難世用廉吏總家貧

從父

寄菴先生生詰兄伯鸞先生皆廉吏

老作諸侯客空傷遲暮身閒雲舒又

卷霖雨是何人

史館 帝京開褻忠及草萊見聞須紀實著錄謬推才

史館催取滇中死事官紳事實大府擬開局以先生董其事先生致當道書首薦鄙人可司謄錄揀揚多溢分語

局外身何補人閒事可哀

先生歸道山此

何時終此

役尊酒告泉臺

出省日硯臣叔儀潤泉枉送至西城外晚次碧雞

關草四絕句寄懷

梳翎病鶴出樊籠盼得新晴趁朔風無那離愁消不得  
長亭人影各西東

滇池漲落白無垠  
潭水桃花共愴神  
不見汪倫來送別  
風流輸與謫仙人

持節迢遙王子淵  
洞簫風韻世爭傳  
賢臣一頌無人賞  
便不荒唐亦可憐

饒他名士多於鯽  
寥落吾徒重久要  
知否相思今夜苦  
一庭寒葉雨瀟瀟

九日過鸚武關

層陰黯黯乍開晴  
晚日殘雲避舍行  
百折路盤飛鳥背  
四山松合怒濤聲  
黃花莫問重陽酒  
白骨猶憐橫死兵

劍川營兵二百餘人  
咸豐乙卯戰歿於此  
怕遣西風吹帽落  
參軍搔鬢負平生

早過橋頭哨

籬落查查凍鵲喧  
飯牛人起自開門  
牆頭黃露芭蕉葉  
寫出清霜第一痕

張雲屏茂才

湖索贈

少年先我負狂名  
落拓詞場氣不平  
退筆軍前曾一擲  
焦桐爨下只孤鳴  
何妨文字歸游戲  
畢竟波瀾望老成  
學道著書應努力  
歲寒相見若爲情

冬日張月帆

輔運

招同僧槐清登金華山

嵐翠登樓早暮看振衣今到翠微端  
陰崖曲曲懸冰斷危磴層層踏葉乾  
故國青山來有數虛庭白日坐生寒  
明湖一鏡浮空出指點漁舟共倚闌

向湖邨舍詩初集卷八

向湖邨舍詩初集卷九

劍川 趙 藩 樾 邨

壬午

初夏赴郡有作二首

宛轉坡陀廿里程南風初試葛衣輕  
午雞嗚破藍輿夢  
梅子梢前梅雨晴

不到臨西已八年交遊存歿淚潸然  
玉龍山雪無寒暑  
依舊蜿蜒白到天

遊靜蓮寺五首

二十石闌干磴道細盤屈芒屨不敢騁愛此莓苔綠  
誰營嵌雪樓盛夏坐無暑詩僧跨錫飛高樓亦塵土  
亭亭古柏枝何年棲白鶴鶴去不復來柏子風前落  
六時鐘磬稀團蒲定昏曉萬瓦炊煙濃下方何擾擾  
蓮花不染心頗諳禪悅味古佛寂無言千峯落寒翠

遊普濟寺

滿院綠苔痕僧雛獨應門開堂龍象大畫壁水雲昏  
鴿窺經案潛虬媚石盆偶然延伫久消盡茗鑪溫

遊石蓮寺遂至龍泉寺觀龍湫二首



一朵蓮花一朵雲雲根應自普陀分妙香不被風吹落  
下界時時靜裏聞

濃綠參天萬木稠佛堂斜壓古龍湫老僧肯借蒲團坐  
涼意蕭蕭滿一樓

題伯菴屋壁二首

牆頭嵐翠數峯橫門外溪流徹底清雨後南窗齊挂起  
垂楊高處有蟬聲

市隱時緇素問經小園芝朮悶幽聲何當更乞東坡叟  
泚筆來題種德亭

寄小驅波館二首

陰晴不定水雲渾  
石砌斑斑上蘚痕  
送酒求書人漸少  
恰貪涼臥靜關門

碧雲洗滌雨餘天  
好月離家兩度圓  
卻憶閒庭並肩坐  
紅蕉花外裊茶煙

述懷卽示伯菴昆季二首

骯髒微時志支離  
亂後身寶刀貧冑賣藥裹  
病相親速化慚  
餘子長吟慕古人  
青氈幸無事看竹  
過西鄰

子雲好兄弟留我  
盛壺觴投轄意何  
厚飲醑心未忘新

荷喧急雨高柳戀斜陽不覺園亭坐能消夏序長

立秋日作二首

我來孟夏月蒲桃葉離披秋風候已至馬乳垂纍纍  
主人釀美酒飲我黃金卮對酒偶一酣流光安可追平生  
坐任俠自縛春蠶絲况乃文字障兀兀精神疲四方有  
羈旅骨肉無歡怡誓將棄簪紱往與松喬期

攝衣登黃山夕照下平野連費何崔嵬目眩魚鱗瓦東  
陵非故侯門繫將軍馬將軍行出塞目斷長城下鬪花  
紅紫紛誰是看花者富貴伏危機頽波相代謝晚風吹

柏枝欲去涕頻瀉

曉過北關

微雨濛濛曉過關紅衫輕笠轉林閒  
路人解訝歸裝重

中有峻嶒小雪山

僧露菴贈  
雪山石

九日攜諸弟登城西奎閣

城西孤塔近諸天蠟屐重來又五年

戊寅九日  
亦集此

十里湖

山高閣上一家兄弟酒尊前已拚塵鬢黃  
花笑尙警軍書白雁傳搔首層空獨吟望  
安邊誰似馬文淵

時法夷  
侵越南

滇軍  
往援

慰月帆秋闈下第二首

秋風遼海咽清笳  
襍被衝寒又返家  
倚馬雄文悲九命  
亡羊歧路誤三叉  
還應愛惜青鐙味  
重與磨礪白璧瑕  
漫道河源天上遠  
待君猶有斗牛槎

少年蹤跡共落岑  
雲海飛騰望子深  
久向沙中蘊古劍  
誰從爨下識焦琴  
浮生未定升沈事  
學道須平感慨心  
鄭重臨歧吾亦別  
夕陽黃葉滿空林

喬後井拜別四叔父二首

一壑人煙白雙城  
據要津清時財賦地  
舊日播遷民草

健鹽山黏花肥漣水鱗往來猶里巷洽比亦情親  
阿叔鬢添絲過頭五十時亂離深閱歷門戶獨撐持劇  
荷銅盤愛多慚玉樹枝行滕細料理感激拙言辭

昆明送別石渠叔歸里二首

竹林翹秀是駢枝惆悵移根歲宴時五夜同看滇海月  
一杯分唱渭城詩文章遇合原無定骨肉團圞樂可知  
高節參雲饒美蔭數竿風雪仗扶持

臨歧絮語黯離顏莽泱閒愁不可刪枯樹斜陽金馬驛  
早梅香雪玉龍山他鄉襍被難安枕故里讐書好閉關

白首終堅偕隱願浮雲歸岫鳥知還

留示張樂莘弟

述尹

二首

九齡來就塾親若弟昆行徧檢書三篋難求米一囊賣  
驢從博士相馬謁孫陽世味多茶苦男兒自激昂

臨歧何戀戀爲子話斯須陶孟皆賢母韓歐亦少孤讀  
書貧豈病學道困能娛按劍尋常有懷哉徑寸珠

戲書坡貢驛壁

年年來去此勞形曉踏嚴霜夜戴星宿霧連綿鋪海白  
羣峯倚劍刺天青腰纏入市屠沽貴血食當坊土地靈

難寫窮荒風景惡戲噴煙墨灑郵亭

出滇後久不得越南軍訊感賦

獻雉雄藩帶礪綿東南唇齒粵同滇驚濤萬里輪舟入  
瘴霧三冬戰壘連檠敦莫爭盟白馬輔車須識備朱鷺  
別來响町無消息看劍銜杯意惘然

除夕泊玉屏縣

艤棹近山城辛盤餞歲情鐙花浮酒暈爆竹亂江聲冰  
雪寒初解風雲感亦平春暉慚報得芳草故園生

癸未



無溪棹歌

無水東流下洞庭君山湖裏一螺青  
湘妃廟外吹橫竹  
夜半魚龍出水聽

跨子斜牽錦纜新去年船上載官人  
官人騎鶴揚州去  
可惜黃金與白銀

雪落楊花叫杜鵑芙蓉樓下水澄煙  
憑誰喚起龍標尉  
一醉風流李謫仙

漁兒漁女似相知水面恩恩乍見時  
懊恨相思言不得  
下灘舟疾上灘遲

千艘銜尾塞河灣  
估客江南抱布還  
不惜千錢添水手  
貪他元旦過紅關

冰燒酒好鱖魚鮮  
冬筍洪江不直錢  
買得桃紅布衫子  
麻陽船上過新年

溪水東流更不還  
溪風吹面老紅顏  
煙鬟霧鬢年年好  
只有溪頭姊妹山

桃源洞裏桃千樹  
花落花開不計春  
莫向花間泊船住  
恐人猜作避秦人

活佛山過不見山  
娘娘灘下更無灘  
勸君出險還思險

平地風波路也難

九日偕王豹君貢士

人文

潤泉孝廉李淮山別駕

毓浩

姨姪何渝生

祖堯

昆季集晴川閣有作

大別山頭暮靄橫晴川閣外夕陽明朝宗江漢雙流合  
懷古登臨百感生得水蛟龍空往事芳洲鸚武惜才名  
仙人不管滄桑劫隔渚惟聞玉笛聲

楓葉殷紅菊蕊黃天公作意媚重陽喜無風雨妨佳節  
況有朋儕盡故鄉痛飲且拚今日醉放歌聊發少年狂  
惟應兄弟茱萸會話到離人一斷腸

得月樓晚酌示豹君

餘霞成綺散晴虛對此何能酒醖疏高閣詩情飛鳥外

大江秋影落帆初澤中鴻雁勞安輯

直隸山東淮南皆被水災

海上

鯨鯢盼埽除

法夷欲渝盟詔防海

搔首風塵感身世棲棲空食

武昌魚

雜興二首

大江中匯金沙水小鼎香烹普洱茶閒與鄉人話鄉事  
不知身尚在天涯

敗葦枯楊盡雨聲扁舟無那雨中行一星明滅昏漁火

暮色荒寒畫不成

巴陵守風三日登岳陽樓有作

狂風吹雨滯揚舲，獨上層城俯洞庭。  
烏兔影沈三楚晦，魚龍氣滿一樓腥。  
希文尙許同憂樂，正則何須判醉醒。  
我欲釣天更張宴，盡回春色起遙汀。

匄匄三日怒難平，歲暮陰陽苦戰爭。  
南望不回衡岳雁，北流長吼蜀江鯨。  
銷磨詞客餘杯酒，憑弔英雄只廢城。  
昭烈廢城在今岳州城東懷古思鄉搔短鬢，鏡中霜雪幾莖生。

沅江雨泊

祇覺難爲旅客情  
蘆花瑟瑟水盈盈  
維舟鎮日天多雨  
壓岸千家縣不城  
風定尙搖銀燭影  
夜寒誰倚玉簫聲  
楚腰纖細吳歛怨  
莫與樊川解宿醒

雜感五首示豹君

刻楮承蜩百不成  
上書光範若爲情  
龍門枉續談遷史  
雁塔終無李杜名  
北極觚棱縈別夢  
東溟風浪感餘生  
雄冠劍佩棲棲甚  
慙媿安閒是耦耕

下若新沽斗十千  
花枝爭似美人妍  
蜃樓五夜酣歌舞  
蛟窟千家苦播遷  
物力久嗟彫上國  
風懷漸覺減中年

歡場別有傷心事蠟淚垂垂意惘然

漫吹催汜是萑苻獨向交南振臂呼片檄風霆紅露布  
一軍旗纛黑雲都屍填馬窟無強敵氣蓋虬髯此丈夫  
好與藩籬謀鞏衛阿誰談笑坐中樞

五金儻救六州貧鑿險縋幽政令新騷擾弊應防勝國  
覬覦心或卻強鄰可無靈運呼山賊幸有周官說芥人  
翹首南天覘寶氣集貲誰識已艱辛

及時杯酒勝浮名意氣翻從醉後平好色不妨謔宋玉  
結交終是慕侯嬴九流涉世儒巾賤五嶽尋仙蠟屐輕

且和王郎歌斫地輝輝殘月大星明

雪後泊桃源

殘雪消難盡溪山意悄然水痕明去鳥松翠落寒煙漁  
市還沽酒仙家亦種田幾時容卜築一笑謝塵緣

溪行雜興

策蹇無人過板橋斜陽黯黯落江潮寒鴉不管秋蕭瑟  
猶戀橋南瘦柳條

早納官租戶不扃炊煙曉白暮還青茅堂昨聘邨夫子  
已有書聲隔水聽



人家三五白雲顛竹筧遙通樹杪泉  
占得溪山最高處尋常雞犬亦疑仙

絕壁孤臨雪浪堆二分垂趾滑莓苔  
捫蘿附葛知何事尙有人從險處來

雪後紅鱗不上罾溪頭落日曬魚鷹  
叢祠賽社邀還去借得南鄰酒半升

橘綠楓紅疊嶂新清霜殘照與精神  
憑他藝苑倪黃筆合讓天工畫小春

鷓鴣灘夜起偶作

亂山四合碧溪斷紅樹蒼藤交綠筠灘聲颯沓誤風雨  
石壁陰森疑鬼神月來半夜客吹蘧塔閃一鐙僧作鄰  
詩成拍手激羣動大魚躍出舟人瞋

沅州

晚泊又沅州徘徊倚舵樓長橋分暝色畫角入邊愁風  
雪消杯酒乾坤寄葉舟懷人念存沒江水日東流

豹君嗜酒而余善睡過輒悔之卒難改也戲爲一

詩柬之

我戀華胥子藉糟子常兀兀我陶陶醉中詩味深杯醞

夢裏灘聲午枕高何物更能移所好是鄉休認託而逃  
相看一笑忘身世那有心情語二豪

廢寺

遠見浮圖出樹梢雙扉寂寂掩蓬茅煙沈土銜僧長去  
塵滿鐘樓鬼不敲夜靜燐光穿古冢殿深鴉語落危巢  
躊躇欲問興衰事菩薩無言斷碣拋

大雪過白貓洞黃猴灘刺灘

一灘上一日三日過三灘大雪溪山斷窮陰天地寒  
因爐火熱莫放酒杯乾醉後還高唱蒼茫行路難

臘盡家難到，懷歸心轉閒。  
有時展書帙，終日對雲山。  
訊香盤中曲，愁摧鏡裏顏。  
維舟見新月，流影故彎彎。  
樓俯鶻巢顛，山廚合暝煙。  
幾家依絕壁，一鳥沒遙天。  
竹樹寒猶翠，漁樵望若仙。  
息機真羨爾，欲去坐無田。

重安江過鐵鎖橋

百尺飛橋控要津，過橋立馬意逡巡。  
晴霞落日紅於燒，斷澗寒流綠到春。  
歲月無情隨去鳥，溪山作意慰勞人。  
觀河面皺休惆悵，鐵鎖連環換已頻。

貴筑別豹君書贈四首

垂髻典謁記當時一出聲華海內馳市上璧人看衛玠  
宮中才子喚微之少年幾輩慚輕薄他日斯文要主持  
愛惜鵷鸞好毛羽上林留得最高枝

故鄉金碧鬱奇瑰南詔山川益壯哉黑漉春波西洱合  
點蒼佳氣老君來人材落落生非偶天意茫茫苦費猜  
憔悴青瑣吾不恨看君跌蕩走風雷

條脫何妨玉臂分解將薄倖笑司勛千金意氣惟消酒  
一枕荒唐不夢雲法曲僉傳車子笛新詞狂寫謝娘裙  
東華香土江南月何處嬉遊寫別君

正活中言言集  
三  
依依蛩巨共歸程忽唱驪歌對月明三益之間難得友  
十年以長辱呼兄笠車要約殊多事香火因緣定幾生  
明日郵亭又分手寒鴉飛散不勝情

臘月廿五夜花貢旅舍夢與翁君遊滇中諸山次  
早上老鷹巖行雲氣中感作長歌寄之

兜羅一白鋪漫漫對面不見山巘岼穿雲直上二千尺  
盪胸忽覺天風寒天風高低雲起落雲氣浮山山欲活  
回頭忽憶王子喬昨夢雲中共驂鶴鶴飛欲下還回翔  
白雲深處吾家鄉金馬騰空碧雞開氣氤一氣連點蒼

蒼山青青雪山白山上雲生皆五色千年孕石幻文章  
一出爲霖徧膏澤爲霖孕石同一雲絳霄舒卷隨朝昏  
雲閒可餐倦可枕我旣自怡還贈君還贈君候何處但  
見黔山雲四散從風去或霄層巒或高樹雲樹陰森日  
將暮千山萬山莽回互此時思君亦行路

上寨道中

溪水無聲漾白沙峯回處處有人家一川晴日雞嘯午  
不見梅花見菜花

庚戌橋東野梅數株著花疏落可愛

倚竹娟娟縞袂單空山可耐曉風寒得天獨覺冰霜厚  
入世先愁位置難時有香隨流水遠更無人過斷橋看  
銷魂一樣淮南嶺只少坡仙爲據鞍

除日發亦資孔至平彝

黔道猶餘半日程黔天難得二旬晴梅花自照春風影  
一澗冰開野水清

翹首欣瞻勝境關石虬亭畔解鞍閒巖青土赤松杉翠  
知是滇南劃界山

帖子宜春不用書何妨逆旅當吾廬海鮮越醞

皆自攜者



鑪飲記向平彝度歲除

故人王

西臺謝青園

有新詩似妬扁舟上瀨遲那識鴟

夷正惆悵五湖煙水夢西施

除夕同潤泉夜話作

歲當垂盡猶行路家未能歸已到鄉徼外軍符飛羽急  
夢中親舍望雲長沈沈夜永頻燒燭莽莽愁來罷舉觴  
差幸同袍壯心在會彎強弩射貪狼

聞越南軍事孔劇制軍已率師出關

向湖邨舍詩初集卷九